




Հ Ա Ն Գ Ի Ս Տ

ԱՐԺԱՆԱՊԱՏԻՎ Տ. ԲԱՐՍԵՂ ՔԱՀԱՆԱ ՄԻՐԶԱԽԱՆՅԱՆԻ
(1924—1994)

1994 թվականի օգոստոսի 24-ին, կյանքի 70-րդ տարում, վախճանվեց արժանապատիվ Տ. Բարսեղ քահանա Միրզախանյանը:

Հանգուցյալ տեր հայրը ծնվել է 1924 թվականին Իրանի Փերիա գավառի Հազարչրիբ գյուղում:


Նախնական կրթությունն ստացել է տեղի Մեսրոպյան դպրոցում:

Մինչև 1969 թվականն զբաղվել է հողագործությամբ և միաժամանակ հայոց եկեղեցիներում մասնակցել եկեղեցական արարողություններին՝ որպես դպիր:

1969 թվականին ընտանիքով ներգաղթել է Մայր Հայրենիք և բնակություն հաստատել Արարատի շրջանի Լուսառատ գյուղում:

1971 թվականի օգոստոսի 1-ին Երևանի Ա. Սարգիս եկեղեցում, ձեռամբ գերաշնորհ Տ. Վահան եպիսկոպոս Տերյանի, ձեռնադրվել է քահանա և հոգևոր ծառայության անցել Հոկտեմբերյանի շրջանի Նոր Արմավիր գյուղի Ա. Դավիթ եկեղեցում:

Մույն թվականի օգոստոսի 26-ին, ուրբաթ օրը, Արմավիրի շրջանի Բամբակաշատ գյուղի Ա. Աստվածածին եկեղեցում սուրբ պատարագ մատուցեց



հոգեշնորհ Տ. Աթանասա աբեղա Մովսիսյանը և կատարեց հանգուցյալ տեր հոր վերջին օծման կարգը:

Հանգուցյալ տեր հոր մարմինն ամփոփվեց Արմավիրի շրջանի Խանջյան գյուղի գերեզմանատանը:

Հանգուցյալն իր հոգևոր ծառայության ողջ ընթացքում իր համեստությամբ, ազնվությամբ և պարտաճանաչությամբ արժանացել է Արմավիրի շրջանի և Հոկտեմբերյան քաղաքի հավատացյալ ժողովրդի հարգանքին:

Հանգիստ Տ. Բարսեղ քահանա Միրզախանյանի ոսկորներին:

